



## Inatsisartut

*Aningaasaqarnermut Ataatsimiititaliaq  
Finansudvalget*

Ulloq/Dato: 17. december 2009

J.nr.: 01.31.06/09-00449

### Aningaasaqarnermut Naalakkersuisoq

#### **Aningaasaqarnermut Ataatsimiititaliap suliaq nr. 01.31.06/09-00449 pillugu pingasunngornermi ulloq 16. december 2009-mi aalajangiineranik Naalakkersuisunut ilisimatitsineq.**

#### **Narsarsuarmi mittarfimmik iluarsaassineq**

##### **Naalakkersuisut inassutigaaat,**

- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 700.000 koruuninik ikilineqassasut,
- kontomi pingaarnermi 87.73.22-imi, Mittarfeqarfinnut tunngasumi, suliassamut nr. 033.25.026-imi, Narsarsuarmi mittarfiup iluarsaanneqarneranut tunngasumut, aningaasaliissutit 700.000 koruuninik amerlineqassasut.

##### **Aningaasaqarnermut Ataatsimiititaliap oqaaseqaatai**

Narsarsuarmi mittarfimmik iluarsaassinermit ilassutitut aningaasaliissuteqarnissaq Naalakkersuisut suliame matumani qinnutigaaat. Iluarsaaneq ukiut arlallit ingerlanneqarpoq, tassa timmisartukkut angallassinerep sapinngisamik akornusersorneqannginnissaa siunertaralugu iluarsaassineq annikitsukkaarlugu ingerlanneqarmat. Iluarsaaneq naatsorsuutigeqqaakkamit sukkanerusumik akikinnerusumillu ingerlanneqarsinnaasoq maanna paasinarsivoq, tamannalu iluarisimaarnarpoq.

Suliniimmut 700.000 kr.-inik aningaasaliinissaq Naalakkersuisut qinnutigaaat. Aningaasat taakku 2009-p sinnerani tamakkerlugit atorneqarsinnaanaviannngitsut Aningaasaqarnermut Ataatsimiititaliamit oqaatigineqassaaq. Taamaattumik 2010-p ingerlanerani atorneqarnissaat siunertaralugu aningaasat Sanaartornermut Iluarsaanermullu Aningaasaateqarfimmut inissinneqarnissaat ilimanaateqarluarpoq. Tamanna sanaartugassanut aningaasaliissutit atorneqarnissaasa piviusorsioortumik missingersuusiortarnissaannik Aningaasaqarnermut Ataatsimiititaliap *arlaleriaqaluni* kaammattuutigisartagaanut naapertuutinnigilaq.

Qinnuteqaatip aningaasaqarnikkut kingunerisassai 2010-mi aningaasanut inatsimmut ilanngunneqassasut missingersuutinut ilanngussami allassimammat *kukkuneruvoq*. Taama allassimasoqarnissaa pisariaqarunnaarpoq, tassami 2010-mut aningaasanut inatsit qangarsuarli akuerineqareerpoq. Taamaattumillu 2009-mi ilassutitut aningaasaliissutinut inatsimmi ilanngunneqartinnani missingersuutinut ilanngussami taama allassimasoq peerneqassaaq.

Suliaq una 2010-mi aningaasanut inatsisissatut siunnersuummut allannguutissatut siunnersuutaasussaagaluartutut puigorneqarsimasutulli ataatsimiititaliamit isigineqarpoq. Tamanna Naalakkersuisut namminneq erseqqissaatigisimasariaqaraluarpaat. Taamaalillunilu ataatsimiititaliamit erseqqissaatigineqassaaq Aningaasaqarnermut Ataatsimiititaliap aalajangiinissaanut tunngavissiat tamakkiisuusussammata.

**Aningaasaqarnermut Ataatsimiititaliap aalajangiinera**

Siuliani allassimasut piumasaqaatigalugit tunngavissaatillugillu  
inassuteqaataat Aningaasaqarnermut Ataatsimiititaliamit **akuerineqarput.**

Naalakkersuisut

Aningaasaqarnermut Ataatsimiititaliaq sinnerlugu

Naaja Nathanielsen

Aningaasaqarnermut Ataatsimiititaliap siulittaasua